



## Publicaziuns dalla vischnaunca, jamna 23

### Cussegl da vischnaunca

Il cussegl da vischnaunca seraduna **venderdis, ils 7 da zercladur 2019**, allas 2015 en casa communal.

#### Tractandas:

1. Protocol 20-2017/2020
2. Access Fontanivas: Sanaziun ed adattaziun dalla sbuccada el stradun – Project e credit (messadi nr. 32-2017/2020)
3. Via Run: Credit per la cumpart dalla sanaziun dalla via e credit per la sanaziun dalla canalisaziun (messadi nr. 33-2017/2020)
4. Serenera Pardomat: Project e credit (messadi nr. 34-2017/2020)
5. Program d'activitad (messadi nr. 35-2017/2020)
6. Plan da finanzas 2020–2024 (messadi nr. 36- 2017/2020)
7. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

### Exposiziun publica

#### **Cunfinaziun detagliada dallas zonas per la protecziun dallas fontaunas e tschaffadas d'aua ella Val Clavianev a Fontauna Freida, Platta Lada, Fistatg Lartg, Crap Gries e Fistatg da mises**

La suprastanza communal ha sebasond sin art. 20 dalla lescha federala davart la protecziun dallas auas dils 24 da schaner 1991 ed art. 24 dalla lescha cantunala davart la protecziun dallas auas dils 8 da zercladur 1987 schau elaborar la cunfinaziun detagliada dallas zonas per la protecziun dallas fontaunas e tschaffadas d'aua a Fontauna Freida, Platta Lada, Fistatg Lartg, Crap Gries e Fistatg da mises ella Val Clavianev a Disentis/Mustér.

#### **Acts d'exposiziun**

- Rapport hidrogeologic dils 15 d'avrel 2019 (rapport cun annexas 1–6)
- Reglament davart las zonas da protecziun (annexa 7)
- Carta cun zonas da protecziun 1:2500 dils 15 d'avrel 2019 (annexa 8)

Da sura documents sa vegnir priu investa durant 30 dis dapi il datum da publicaziun dad oz ella stanza d'exposiziun nr. 10 en casa communal durant las uras da spurtegl. Persunas ch'ei muort la cunfinaziun detagliada dallas zonas per la protecziun dallas fontaunas e tschaffadas d'aua tangadas entras agens interess digns da vegnir protegi, san inoltrar enteifer 30 dis dapi il datum da publicaziun protesta a scret alla suprastanza communal, caum postal 57, 7180 Disentis/Mustér. La protesta ei da motivar e sto cuntener ina proposta.

Disentis/Mustér, ils 7 da zercladur 2019

*Suprastanza communal*

---

### **Via d'uaul Punt da Brulf–Fontanivas Serrada dalla via**

Muort las lavurs da construcziun per slargar e rinforzar la via d'uaul sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars–Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen miez fenadur 2019. Per sclariment stat il biro da planisaziun Enzler Bauleitungen, telefon 081 250 35 35 ni il selvicultur da revier Simon Cathomen, telefon 081 920 36 41 bugen a disposiziun. Nus supplichein da prender enconuschientscha da quests avis.

Bien engraziament per la capientscha.

Disentis/Mustér, ils 13 da mars 2019

*Uffeci forestal Disentis/Mustér*

---



### Administraziun communal

Muort il firau da **gliendisdis Tschuncheismas, ils 10 da zercladur 2019** resta l'administraziun communal serrada igl entir di. Bien engraziament per Vossa capientscha.  
*Administraziun communal*

---

### Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professiunal arriva il pli spert pusseivel sil plaz. Engraziel per Vies sustegn! *Vos Pumpiers Sursassiala*

---

### Onn da scola 2019/20

Prezias geniturs, cars affons

Ils uraris da scola ed igl urari dils transports pil proxim onn da scola 2019/20 ein d'anflar naven d'immediat sin [www.scoladisentis.ch](http://www.scoladisentis.ch). Jeu supplicheschel tut/tas scolar/as da Segnas, Buretsch e Cuoz **dalla emprema scoletta** da s'annunziar cun ina nova foto da portret alla staziun da Mustér pigl abbonament dalla MGB (niev sistem dad abo cun il SwissPass). Nus engraziein a Vus cordialmein per la buna collaboraziun durant igl onn da scola che va alla fin e giavischein bialas vacanzas da stad. Cordials salids e sin bien seveser

*Nossa scola populara Mustér*

---

### Reiver el Curtin medelin

Il Curtin da reiver ellas Ruinas ei aviarts era enqual di las fin d'jamnas. Ils proxims termins ein:

**ils 10 e 22 da zercladur 2019**

13.30–ca. 16.30

Ulteriurs datums vegnan actualisai sin [www.muntognas.ch](http://www.muntognas.ch).

Annunzias ein da far entochen la sera avon allas 17.00

sut [info@muntognas.ch](mailto:info@muntognas.ch) ni tel. 079 631 02 75.

---

### Societad da musica Mustér

**Concert primavaun, sonda, ils 8-6-2019** allas 20.00 cun stiva da caffè e **dumengia, ils 9-6-2019** allas 17.00 en halla Cons a Mustér. Collecta.

---



## Corporaziun d'aua Las Fontaunas

**Radunonza generala dalla corporaziun d'aua Las Fontaunas, Mumpé Medel, sonda, ils 15 da zercladur 2019** allas 20.15 el local la Scursalada Mumpé Medel **Tractandas:**

Avertura

1. Elecziun d'in dumbravuschs
2. Prelecziun ed approvaziun dil protocol dils 24-2-2018
3. Rapport dil president
- 4.a Rendaquen per 2018
- 4.b Rapport dils revisurs ed approvaziun dil quen
5. Orientaziun entras igl inschignier Clemens Arpagaus
6. Taxas annualas
7. Varia

A stedia participaziun envida *la suprastonza*

---

## Biblioteca digitala – uras d'audienza

Biblioteda digitala – tgei ei quei? En la biblioteca digitala saveis Vus cargar giu e-books, e-videos ed e-audios sin vies tablet, telefonin, computer ni e-book-reader. E quei da tuttas uras! Ulteriuras informaziuns anfleis Vus sut [dibiost.ch](http://dibiost.ch).

Haveis damondas davart la biblioteca digitala ni duvreis agid tier igl emprest da medias digitalas sin Vies apparat? Nus essan bugen cheu per Vus **venderdis, ils 7 da zercladur 2019 e venderdis, ils 5 da fenadur 2019**, mintgamai dallas 17.30–18.30.

Nus selegrein sin Vossa viseta.

*Biblioteca populara Disentis/Mustér e contuorn*

---

## Center sursilvan d'agricultura

**Ils animals gronds da rapina – Co vivan lufs-tscherver e lufs? Exposiziun, sonda, ils 15 da zercladur e dumengia, ils 16 da zercladur**, 13.00–17.00, Center sursilvan d'agricultura, Disentis/Mustér.

Luf-tscherver e luf semuossan puspei suenter in liung temps en uauls e muntognas dalla Svizra. Tgei drovan quels animals per viver, pertgei ein els vegni ragischai ora e con gronds ei insumma in luf-tscherver? En in'exposiziun interactiva vegnan ils animals gronds da rapina presentai; tucclar en els ei expressivamein lubiu. Mintgamai il suentermiezdi ein nos guardia-selvaschinas presents denter las 14.00 e 16.00 e raquentan da lur lavur en connex culs animals gronds da rapina en la regiun e stattan a disposiziun per damondas.

**Grossraubtiere – Wie leben Luchse und Wölfe? Ausstellung, Samstag, 15. Juni, und Sonntag, 16. Juni**, 13–17 Uhr, Center sursilvan d'agricultura, Disentis/Mustér. Luchs und Wolf tauchen nach langer Abwesenheit in Schweizer Wäldern und im Gebirge wieder auf. Was brauchen diese Tiere zum Leben, warum wurden sie damals ausgerottet und wie gross ist eigentlich so ein Luchs? In einer interaktiven Ausstellung werden uns die Grossraubtiere näher gebracht; Anfassen und Ausprobieren ist ausdrücklich erlaubt. An den beiden Nachmittagen sind unsere Wildhüter jeweils zwischen 14–16 Uhr vor Ort, berichten von ihrer Arbeit im Umgang mit Grossraubtieren in der Region und stehen für Fragen zur Verfügung.

---



### Viva Lia Rumantscha a Mustér – prolog pil festival da giubileum

La Lia Rumantscha festivescha uonn siu giubileum da 100 onns. Perquei envida ella **venderdis, ils 14 da zercladur** allas 20.00 en «Sala Fontauna» dil Center da sport e cultura a Mustér per s'entupar, discutir e seregurdar dils eveniments che capetan di per di ella Romontschia.

#### Program:

- Presentaziun dil festival 100 onns LR tras Johannes Flury, president LR ed Andreas Gabriel, meinaproject 100 onns
- choreografia «romontscha» dils Movis
- cant e musica da Mattiu Defuns
- Contribuziun dil «Telesguard» dil 1986 ord igl archiv da RTR: «Il saltar dil morts» da Duri Sialm e sur Carli Fry. Cul chor viril da Mustér ed acturas ed acturs da tuttas vegliadetgnas.

Suenter la part ufficiala vegn offeriu in aperitiv. L'entrada ei gratuita, tuts ein envidai!  
Cordial beinvegni *Lia Rumantscha*

---

### La Lia sin via

**Venderdis, ils 14 da zercladur** ein ils promoturs regiunals dalla Surselva, Alice Bertogg e David Flepp, da viadi tras Mustér. Tgei dat ei ad ina fiasta da natalezi? iebein, caffè e petta! E quei porschan ils promoturs venderdis avonmiezdi, ils 14 da zercladur naven dallas 8.30 tiel Coop a s. Catrina. Naven dallas 9.30 fan els la suandonta ruta cun lur carret:

Center da sport e cultura–Via Sursilvana–Via Cons–Center da sanadad Puntreis–Casa communal–Volg–«Hotel La Furca»

Allas 12.00 finescha il tur alla staziun dalla Viafier retica. Nus selegrein da s'entupar cun vus!

*Alice Bertogg e David Flepp, promoturs regiunals Surselva*

---

### Uniun samaritana

Igl exercezi regional dallas uniuns da Sursassiala ha liug **gliendisdis, ils 17 da zercladur 2019** a Sedrun. Nus s'entupeiin allas 19.30 avon il Bogn Sedrun. Igl exercezi ha liug per part ordaviert. Buns calzers, resti tenor l'aura ed ina cazzola da maun secapeschan da sesez.

Cordialmein envida *Uniun samaritana Sedrun Tujetsch*